



Pou Biblikasyon Imedya: 29/06/2023

GOUVÈNÈ KATHY HOCHUL

GOUVÈNÈ HOCHUL ANONSE ELIJIBILITE ELAJI POU APLIKAN POLIS ETA NEW YORK YO POU EDE AK REKRITMAN

Nouvo règ la ogmante laj maksimòm nan moman aplikasyon an soti 29 pou rive 34 ane

Favoriize objektif pou double kantite gradye nan Akademi Polis Eta New York la apati 2024

Gouvènè Kathy Hochul te anonse jodi a li te apwouve yon demann ki soti nan Lapolis Eta New York la pou ogmante laj maksimòm lan pou aplike pou vin yon Manm Patwouy Eta New York soti 29 pou rive 34 ane. Chanjman egzijans lan ranfòse angajman Gouvènè Hochul pou elaji inisyativ sekirite piblik yo atravè New York. Anplis de ogmante egzijans laj la, pi bonè ane sa a, Gouvènè a [te anonsé](#) plis pase 66 milyon dola nan bidjè a pou finanse plis kou nan akademi Lapolis Eta New York la epi ogmante kantite Manm Patwou Eta New York ki dedye pou abòde pwoblèm krim grav.

"Sekirite piblik se pi gwo priyorite mwen, epi Lapolis Eta a pran devan batay la nan kad efò nou pou konbat vyolans ak zam epi kenbe Nouyòkè yo an sekirite", **Gouvènè Hochul te deklare.** "Lè nou ogmante laj maksimòm nouvo rekrite yo, n ap elaji gwoup moun ki ka ede nou ak travay ki ekstrèmman enpòtan sa a. Apre nou fin double kantite klas gradye nan Akademi Polis Eta New York la apati ane pwochèn, nouvo règ sa a pral ede Eta a rekrite plis sòlda epi pwoteje moun New York yo."

Sipè-entandan Adjwen Lapolis Eta New York la, Steven A. Nigrelli, te deklare, "Chanjman sa a pral pèmèt nou rekrite gwoup kandida ki pi divès epi ki gen plis konpetans posib. Gen anpil kandida ki kalifye nan karyè militè a oswa lòt karyè ki deside ke yo vle fè tranzisyon pou vini nan Laolis Eta a, men akòz egzijans laj anvan an, kèk pa te kalifye. Sa yo se moun ki gen yon richès an matyè konesans ak eksperyans yo ka pote nan travay la. Lapolis Eta New York gen yon tradisyon fyè nan ekselans. Lè nou ogmante laj la, n ap asire nou gen pi bon kandida epi pi kalifye jan sa posib pou kontinye eritaj sa a, epi sèvi ak pwoteje pèp New York la."

Plan Gouvènè a bay de klas adisyonèl chak ane ki pèmèt kat klas san parèy chak ane. Sa pral akselere rekonstriksyon fòs la epi elaji kantite manm patwouy ki dedye pou

abòde krim vyolan ak pwoblèm kalite lavi tankou retire zam ilegal nan lari yo ak konbat sikilasyon dwòg nan kèk nan katye ki pi vilnerab nan eta a.

Lapolis Eta a te refè pwogram rekritman li a pou atenn plis kandida fanm ak minorite posib. Sa te enkli rankont ak lidè nan kominate ki mwens reprezante nan fòs aplikasyon lalwa yo, avèk objektif pou konstui relasyon alontèm. Lapolis Eta te siyen pwomès 30X30 lan tou epi li angaje l pou l ogmante pousantaj rekri fanm yo a 30 poustan disi 2030. Ajans la gen ekip rekritman nan chak twoup pou fè rezo nan evènman yo ak nan katye yo.

Kandida yo ka aprann kijan pou vin yon Ofisyè Eta New York epi enskri pou pase egzamen an nan joinstatepolice.ny.gov.

Pwochen egzamen Antre Ofisyye a ap fèt ansanm ak pwosesis aplikasyon an soti jiyè 2023 jiska septanm 2023, epi yo pral administre li sou entènèt nan sant tès otorize yo pou rann egzamen an pi aksesib. Moun yo pral kapab aplike apati 1e jiyè, epi yo ka pwogramme yon lè pou fè egzamen an bonè nan dat 10 jiyè.

Lapolis Eta a te fè kontra ak Pearson VUE, ki pral ofri Egzamen Antre Ofisyye a nan 54 sant tès nan Eta New York, plis pase 280 lokal nan Etazini, ak nan 100 lokal militè atravè mond lan. Kandida yo ap kapab chwazi ki kote ak kilè pou yo fè egzamen an. Pwosesis tès sou entènèt la fè li pi pratik ak aksesib pou nenpòt moun ki enterese vin yon manm patwouy.

Yon gid etid pou egzamen an disponib [isit la](#).

KALIFIKASYON MINIMÒM POU EGZAMENM YO:

- Sitwayen Ameriken
- 20-34 an (Laj maksimòm nan ka pwolonje pou yon lane pou chak ane sèvis militè aktif a tan konplè - jiska 7 ane maksimòm)
- Diplòm lekòl segondè oswa ekivalan

Ou ka jwenn lòt kondisyon yo [isit la](#).

SALÈ & BENEFIS:

- Salè kòmansman: 59,612 dola
- Apre yon lane: 84,331 dola
- Benefis & retrèt konplè

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)